

Broj: 02D-5697-9/23

Datum: 10.07.2023. godine

Na osnovu odredbi člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14, 59/22), člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14) i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku o izboru najpovoljnijeg ponuđača, broj: 02D-5697-7/23 od 05.07.2023. godine, u postupku javne nabavke – Reakreditacija Bolnice/2, direktor Javne ustanove Opća bolnica „Prim. dr. Abdulah Nakaš“, donio je

ODLUKU
o izboru najpovoljnijeg ponuđača

Član 1.

Prihvata se Preporuka o izboru najpovoljnijeg ponuđača, broj: 02D-5697-7/23 od 05.07.2023. godine i ugovor za javnu nabavku – Reakreditacija Bolnice/2, dodjeljuje se ponuđaču:

- AGENCIJA ZA KVALITET I AKREDITACIJU U ZDRAVSTVU U FBIH, ponuda dostavljena dana 04.06.2023. godine, kao jedinom i prihvatljivom ponuđaču, sa cijenom ponude u iznosu od 56.485,90 KM bez uračunatog PDV-a, odnosno 66.088,50 KM sa uračunatim PDV-om.

Član 2.

Postupak iz člana 1. ove Odluke proveden je metodom „otvoreni postupak“, te je nakon otvaranja ponuda trebala biti provedena „E-aukcija“, a za izbor najpovoljnijeg ponuđača korišten je kriterij „najniža cijena“.

U skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“ broj 66/16) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14, 59/22).

Član 3.

U postupku nabavke iz člana 1. ove Odluke zaprimljena je 1 (jedna) kvalifikovana ponuda:

1. AGENCIJA ZA KVALITET I AKREDITACIJU U ZDRAVSTVU U FBIH, sa cijenom ponude u iznosu od 56.485,90 KM bez uračunatog PDV-a.

U postupku nabavke iz člana 1. ove Odluke nije zaprimljena nijedna nekvalifikovana ponuda.

Član 4.

Izabrani ponuđač obavezan je dostaviti originale ili ovjerene kopije dokumentacije iz člana 45. Zakona o javnim nabavkama, u roku od 5 (pet) dana od dana prijema Odluke.

Član 5.

Prijedlog ugovora dostavit će se na potpis izabranom ponuđaču uz Odluku o izboru najpovoljnijeg ponuđača, broj: 02D-5697-9/23 od 10.07.2023. godine.

Član 6.

Ova Odluka objavit će se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđaču koji je učestvovao u postupku javne nabavke, u skladu sa odredbama člana 70. stav (6) Zakona o javnim nabavkama.

Član 7.

Ova Odluka stupa na snagu danom donošenja i dostavlja se ponuđaču koji je učestvovao u postupku javne nabavke, u skladu sa odredbama člana 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: 02D-5697-1/23 od 23.05.2023. godine. Javna nabavka je sprovedena putem otvorenog postupka, JN-26/23.

Procijenjena vrijednost javne nabavke bez PDV-a je 60.000,00 KM.

Obavještenje o nabavci broj: 1125-1-2-153-3-114/23, objavljeno na Portalu javnih nabavki 09.06.2023. godine. Sažetak Obavještenja objavljen je u “Službenom Glasniku BiH” broj 43/23 dana 16.06.2023. godine.

Komisija za nabavku, imenovana je Rješenjem, broj: 02D-5697-2/23 od 23.05.2023. godine. Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda, broj: 02D-5697-6/23 od 05.07.2023. godine, Preporuku o izboru najpovoljnijeg ponuđača, broj: 02D-5697-7/23 od 05.07.2023. godine i Izvještaj o radu, broj: 02D-5697-8/23 od 05.07.2023. godine u postupku javne nabavke – Reakreditacija Bolnice/2

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku blagovremeno zaprimljena 1 ponuda
- da nije bilo neblagovremeno zaprimljenih ponuda
- da je ponuda ponuđača AGENCIJA ZA KVALITET I AKREDITACIJU U ZDRAVSTVU U FBiH kvalifikovana i prihvatljiva za predmetnu nabavku, da su dostavljeni svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim.dr.Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom.

Uvidom u priloženu dokumentaciju, nesporno je da je izabrani ponuđač u postupku javne nabavke: Reakreditacija Bolnice/2, najbolje ocijenjen zbog najniže cijene:

1. AGENCIJA ZA KVALITET I AKREDITACIJU U ZDRAVSTVU U FBIH sa cijenom u iznosu od 56.485,90 KM bez uračunatog PDV-a.

Iz navedenih razloga, primjenom odredbi člana 64. stav (1) tačka b) Zakona o javnim nabavkama, člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14, 59/22), člana 8. stav (2), tačka d) Pravilnika o uspostavljanju i radu Komisije za nabavke („Službeni glasnik BiH“, 103/14), i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:


Javne ustanove Opća bolnica „Prim. dr. Abdulah Nakaš“, Kranjčevićeva broj 12, 71 000 Sarajevo. Žalba se podnosi u najmanje 3 (tri) primjerka.

Pripremila:

Aldijana Ećo, BA prava, službenik za javne nabavke

Kontrolisala:

Amira Petrović, BA općeg prava, šef Odsjeka za javne nabavke



DIREKTOR

Prim. dr. Amira Petrović

anović

Dostaviti:

- Ponuđaču: AGENCIJA ZA KVALITET I AKREDITACIJU U ZDRAVSTVU U FBIH
- Odjeljenje za ekonomsko – finansijske poslove
- Odjeljenje za nauku, nastavu i poboljšanje kvaliteta
- Odsjek za javne nabavke